



Jacobi Alvarez de Paz Opera

De Exterminatione Mali, Et Promotioне boni - Libri quinque

Álvarez de Paz, Jacobo

Lvgdvni, 1613

De quibus fieri debeat particulare examen. Cap. 13.

[urn:nbn:de:hbz:466:1-77843](#)

desecit. Et similiter qui in eodem statu se inuenit, torpentibus ac deficientibus est annumerandus; quia non dissimulandus defectus est, quo tempore quis ambulare in via spiritus debuisset, nec unum passum ambulasse.

Ea hac autem cognitione triplicem anima elicet affectum sanè virilissimum. Velen enim ex collatione duorum temporum intelligit se defecisse, aut parum aliquid profecisse, aut plusquam mediocriter ambulasse. Si defecit, triflatus, & triflatus ad salutem, ea triflita, quæ secundum Deum est. Luger, & queritur, quia tempus ad salutem animæ sibi concessum turpiter & imprudenter amisit. Luger, quia viator cum sit, nihil via sibi ambulandum confecit: luger, quia ne cogatur per mortem celsare, prius quam virtutem acquirat, pertimescit. Seipsum ad proficiendum virget illa admirabilis exhortatione Ambrosij, qui sic ait: In via es, o homo, ambula, ut peruenias; ne & nox in via te occupet, ne consumatur dies vita, antequam progressum virtutis acceleres. Viator es vite huius, omnia transeunt, omnia post te fiunt. Omnia in hac vita cernis, & traxis. Vidisti amoenitatem arborum, viriditatem herbarum, puritatem fontium, & quodcumque huiusmodi, quo delectantur oculi. Iuuit spectare, delectauit parumper attendere. Dum attendis, pertransisti. Iterum dum ambulas, incidi scopolosum & confragosum iter, concava rupium, prærupta montium, densa sylvarum. Tædiasit parum, iterum transisti. Talis hæc vita est, cuius nec prospera permanent, nec aduersa diuturna sunt. Ergo quasi in via locatum, neque secunda extollant, neque aduersa frangant, nec plausibilis remontent, nec mœsta detincent. Festina semper ad finem, festina ut peruenias.] Si autem se examinans profecit, sed parum profecit, seipsum increpat, & reprehendit, quia tam lentis passibus nunquam ad finem virtutis aliquius peruenier. Audit iustus quasi Angelum Domini, sanctam inspirationem dicentem sibi: Surge, & comedere, grandis enim tibi restat via.] Surge, inquam, per assumptionem noui ferooris, comedere, & nouis considerationibus ac feruentibus desideris, quia nouis cibis, teipsum ad velocius ambulandum corroborata, quoniam tanta lentitudine ambulans, in via spiritus, qua satis longa est: parum aut ferè nihil procedes. Si tandem ex collatione diuersorum temporum quis deprehendat se non mediocrem progressum fecisse, Deum sibi adesse adiuvatorem intelligit, illi pro accepto tanta emendationis beneficio gratias agit, & seipsum ad maiorem profectum acquirendum accedit. Experitur sanè viam perfectionis non esse difficultem, quia si tam paucis diebus tantam in se mutationem aduertit, tantum se vicit, quid, si perfueret, nisi magnos in virtute ac omni putitate progressus speret? Ita quidem apud se cogitat: At nunc non vident lucem: subito aët cogerti in nubes, & ventus transiens fugabit eas. Ab Aquiloni aurum venit, & ad Deum formidolosa laudatio.] Id est; Paulo ante in caligine & obscuritate verbabar, cum huius imperfectionis nubes me opprimebat, in tantum ut serenitatem mentis pene accipere desperarem. Nunc autem spiritu diuino afflante, nubes ita brevi tempore disiecta est, & ab Aquilone, nempe à mortificatione frigore, quo me ipsum compressti, subito instar auri splendens serenitas venit; & tam insperata tranquillitas mentem meam laetificauit. Quid fieri, si in feroore & emendationis cura perfisto, nisi quod brevi tempore portum concupitæ virtutis ingrediar? Tunc non sine ingenti

*Ambr. in
Psal. 1.
versu. 1.*

*3. Reg. 19.
7.*

*Iob. 37.
21.22.*

A reuerentia & tremore, Deo laudes concinam, qui tam mirabilia in me operatus est, & de eo in dies sublimiora dona confidam. Benedictio quidem Domini in merecedem iusti felicitat, & in hora veloci processus illius fructificat.] Quod si me ipsum ad capellandam virtutem anima quero, non tardabit Deus quam celeriter eam ad mentem demittere, & me, qua cupio, possessione ditare.

Ecc. 11. 24.

Ecce ergo plurimas huius collationis utilitates. Prima, quod illius praesidio qualis apud Dominum sis, non inepte coniectas. Secunda, quod tuæ mentis statum agnoscas. Tertia, quod si non proficias, triflatus ad salutem, & erubescis. Quarta, quod si parum proficias, temetipsum reprehendis. Quinta, quod si non mediocrem in te emendationem adueras, ea fiducia, quæ Deo submittitur, de perfectionis adceptione confidis. Ut verò haec omnes utilitates suum complementum habeant, duo tibi facienda sunt. Alterum est, ut si ex vsu huius præstantissimi instrumenti profectum non sentias, huius rei caulas initiaque disquisiras: patri spirituali teipsum aperias, rationem procedendi cum eo conferas, caulas à te repertas huius tepiditatis edicas, ac ordinem ab illo præscriptum inuolabiliter teneas. Sæpe enim fructus huius exercitij differtur, ut homo se humiliet, & quod per seipsum non adipiscitur, directione alterius hominis, nempe magistri spiritualis, acquirat. Principium disciplinae humilitatis est, inquit Hugo; & nihil addiscit inflata superbia, qua quis vult sine alterius hominis adiutorio ad virtutis fastigium euolare. Qui altam facit domum suam, querit ruinam, & qui euitat discere, incidet in mala.] Non omnes, qui altas adificant domos, ruinam querunt, sed illi, qui sine fundamento, & sine debita coniunctione lapidum, magnam molem conantur extruere. Sic qui sine humilitate, qua se magistro spirituali docenti subiiciunt, volunt altissimam perfectionem adipisci, solent non minimos casus experiri. Alterum documentum est, ut si ex predicto vsu particularis examinis, iuxta desiderium tuum, magnum percipias fructum, caulas etiam huius profectus aduersas, & rationem, quia processisti, consideres, ut in posterum candem obserues. Nam eadem causa eodem parturunt effectus, & si hodie hunc modum viuendi tenens, aliquid boni lucrat us es, ab eo cras non discedens, simile quid sine dubio lucraberis. Hæc autem est magna prudentia pars, quia homo ex præteritis futura estimat, & ex bonis, que iam quasi manu retigit, ad alia similia acquirendæ se munit.

Hugo. in
lib. 1. di-
discalites
Preu. 27.
16.

De quibus fieri debeat particulare examen.

CAPUT XIII.

MATERIA Circa quam examen particulare versari debeat, ex supra dictis factis perspicua est; quia omne virtutum, omnis defectus, omnis passionis, aut sensuum, aut virium animæ immorificatio, & omnis virtus eius materia est. Diuerso tamen modo hæc in examen cadunt: mala enim examini subduntur, ut euellantur, passiones, & sensus, & vires animæ, ut ab eis, quod virtutum est, eradicetur: virtutes, ut de nouo acquirantur, aut iam acquisitæ ad debitum perueniant augmentum. Quod ex parte significatum est in illo ministerio dato a Domino, Ieremias: Ecce constitui te hodie super gentes, & super regna, ut euellas, & destruas, & disperdas, &

*Jerem. 1.
10.*

diffipes,

Eccles. 3.2.

dissipes, & ædifices, & plantes.] Quod enim prædictori verbi Dei, idem audientibus doctrinam celestem iniungitur, ut nimirum non sine ordine in destructionem malorum, & bonorum plantationem incumbant. Nam est tempus plantandi, & tempus euellendi, quod plantatum est. Et est tempus occidendi, & tempus sanandi, & tempus destruendi, & tempus ædificandi.] Nec parum interest, cuicunque temporis suum opus assignare, & nequaque quæ tempora distincta poscent, sine illa distinctione confundere. Hæc quidem pro assignatione materie sufficerent, nisi desiderium satisfaciendi rerum spiritualium minus peritis, nos cogeret ad magis particularia descendere. Aliqua ergo consideranda sunt, quæ prudenti electioni materiæ examinanda defseruent.

Esdra.

12. 37.

1. Reg. 15.

9.

3. Reg. 22.

31.

Illiud autem primum sit & præcipuum: ut quisque sibi persuadeat, quod in corde suo aliquod vitium principale regnat, quod velut rex est aliorum vitiorum, & origo omnium suorum defectuum, & vniuersæ cæcitatris mentis & tepiditatis initium. In quibusdam superbia, in aliis inanis gloria, in aliis ira principatum obtinet: in aliis aut propria voluntas, aut iudicij proteruitas, aut desiderium seipso regendi dominatur: in aliis amor propriorum commodorum, aut gula, aut impugnatio carnis, aut aliud simile vitium imperitat. Aduersus ergo hunc regem aliorum vitiorum, & antesignanum spiritualium malorum, ante omnia armis particularis examinis pugnandum est, & pro contraria virtute strenue laborandum, donec quies emendationis adueniat. Cuius Hierosolyma ex una parte, quæ hostium incursioni faciliter patet, muro fortissimo cingebatur, quem præpterea Esdras vocavit murum latissimum. Sic vera Hierosolyma, nempe fidelis anima, ex ea parte, quæ per aliquod vitium robustius imbecillior est, hoc examine, tanquam fortissimo muro latissimo, se cingat, donec in se optatam emendationem sentiat. Hæc autem emendatio in hoc posita censeatur, ut amator virtutis vitium illud omnino destruat, vel saltem adeò eneruatur, atque confringatur, ut adhuc ad plenam victoriæ illius conueniens, existimatetur aliud vitium cognatum oppugnare, & ad studium alterius virtutis transire. Qui hoc principali vitio dissimilatus alia per particulare examen impugnat, similis erit illi, qui ramuscum cadit, & radicem arboris satis in terra radicata relinquit. Vel certè comparabitur Sauli, qui contra præceptum Domini pepercit Agag, & optimis gregibus ouium, & armamentorum, & vestibus, & armis, & vniuersis, quæ pulchra erant, nec voluerunt disperdere ea: quicquid vero vile fuit & reprobum, demoliti sunt. Sic parcit præcipuo vitio suo, & his, quæ magis diligit, & amplius eum in extremam indigentiam coniuncti; & quæ parum officiunt, & forte dissimilari possent, magna diligentia disperdit. Rex Syria pugnaturus contra populum Dei, dixit ad suis: Non pugnabis contra maiorem & minorem quempiam, nisi contra regem Israël solum:] prudenter aduersens, vieto rege aduersario, omnes alios hostes suos fugie se daturos. Salutem ex inimicis accipiamus, hincque regem imitemur. Non sit nobis curæ, nisi pugnare contra dicem imperfectionum nostrarum, & contra illud vitium, quod nos magis infestat; & oppositam virtutem acquirere; nam hoc vitio prostrato, facilis erit de minoribus hostibus desiderata victoria.

Si qui vero à nullo speciali vitio acerrimè impu-

Agnari se sentiunt, sed multis imperfectionibus & vitiis, quotum nullum nimis immoderatè supra alia se erigit, propriam mentem subiectam aspiciunt, quæ spiritualis vita methodum obseruant, ut ad maiora procedant, in particuliari examine, à minoribus & ordine prioribus hanc pugnam incipient: Tres esse spiritualium virorum status, sepe iam diximus; quidam enim sunt incipientes, quidam proficientes, quidam pro huius vita possibilitate perfecti. Incipientes ergo, primo particularem curam, seu particulare examen ad præambula vitæ spiritualis, nempe ad modeliam & silentium, applicent, & motus sui corporis linguamque componant. Deinde ea, quæ sunt propria incipientium, præsidio eiusdem examinis dicant. Applicent illud primo loco post duo dicta præambula ad hoc, ut nullum veniale peccatum ex profeso & cum plena aduertentia faciant. Deinde vt singulos sensus, præsentim ut vident & auditum compriment. Postea vt singulas passiones cohibeant, & post illas, ut cogitationi modum imponant, & si quid aliud mortificandum occurrit, non prætermittant. His per examen emendatis, ex incipientibus proficientes sunt; & tunc propria proficiunt ad examen vocent. Hæc autem sunt, ut per huiusmodi examen discant, singulas actiones actuali intentione ad Deum dirigere, ut assuerant regulas seu statuta proprij statas diligenter obseruare; ut præciplias virtutes & magis ad vitam spiritualem necessarias, quales sunt humilitas, paupertas, castitas, obedientia, mansuetudo, patientia, abstinentia, & alias similes, vnam post alijs, conuentur acquirere. Quibus mediciter saltem obtentis, iam ab statu proficiunt ad dignitatem perfectorum accedunt, ad quos pertinet, particuliari examine suas actiones expoliare, & pulcherrimè singulas præstare: item ad perfectionem fraternalę charitatis, & amoris Dei, & ad continuam eius præsentiam anhelare, & minimos quoque defectus abstergere. Sic paulatim vitam spiritualem addiscendam esse, ac ex minoribus ad maiora progrediendum, manifestè docet Basilius, interpretans illud Psalmi: Sed in lege Domini voluntas eius;] ubi sic ait: Sapienter itaque, & solerti consilio ad nos virtutem introducere cupiens, fugam vitiorum, initium fecit bonorum. Si enim statim ea quæ sunt perfecta, tibi proposuimus, ad ea forte obcunda fuisse cunctis. Nunc vero ad facilitiora captu te assuefacit, ut ad ea, quæ sequuntur, animo sis presentiore. Ego quippe pietatis exercitationem, scalæ, à Iacob viæ, rectè comparauerim, cuius pars terram attingebat, pars altera ipsi supereminens in cælum vñque porrigebatur. Ex quo eos admovere opus est, qui ad virtutem instituuntur, primum, ut primis admoucant gradibus vestigium, & inde paulatim ascendendo, progrediendōque ad comprehendensibilem humanæ naturæ altitudinem, sensim ac paulatim promouentes perueniant. His consentient scribit Gregorius, explicans illum locum Danielis: Audiuī vocem verborum eius, & audiens incebam consternatus super faciem meam.] Vbi sic ait: Verba Dei in terra iacentes audimus, cùm in peccatis positi, terrenæ pollutioni coniuncti, sanctorum voce spiritualia præcepta cognoscimus. Ad quæ præcepta quasi super genua, & super manuum nostrarum articulos erigimur, quia à terrenis contagis recedentes, quasi iam ab infinitis ventrem leuamus. Sic ut enim totus terra inharet, qui consternatus facit; ita qui in genibus, & manuum suarum

Basil. b. 3.
ad Psal. 1.DAN. 10.
9.
Greg 22.
mor. c. 14.

articulis incuruatur, inchoante profectu, ex magna iam parte à terra suspenditur. Ad extremum verò voce Dominica erecti quidem, sed trementes assitimus, cùm à terrenis desideriis perfectè subleuati, verba Dei, quo pleniū cognoscimus, plus timemus. Adhuc enim quasi in terra iacet, qui ad cœlestia erigi terrenorum desideriis neglegit. Quasi subleuatus autem adhuc manibus & genibus incumbit, qui quædam iam contagia defert, sed quibusdam adhuc terrenis operibus non contradicit. Iam verò ad verba Dei erectus assit, qui perfectè mentem ad sublimia erigit, & per immunda desideria incuruari contemnit. Bene autem trementein se sterile judicat, quia examen subtilitatis interna, quo plus ad illud perficitur, amplius formidatur. Vbi aptè diuina voce subiungitur: Noli metuere; quia cùm plus ipsi, quod timeamus, agnoscimus, plus nobis de Deo per internam gratiam infunditur, quod amemus: quatenus contemptus noster paulisper transeat in timorem, & timor transeat in charitatem, vt quia querenti nos Deo per contemptum restitimus, per timorem fugimus, & contemptu quandoque, & timore postposito, solo ei amore iungamur. Paulisper enim etiam timorem eius dicimus, cuius solius dilectioni inhæremus. Appositus igitur quasi quibusdam gradibus profectus nostri, mentis pedem prius per timorem in imo ponimus, & postmodum per charitatem ad alra amore leuamus, vt ab eo quo quisque tumeret, reprimatur, vt timeat; & ab eo, quod iam metuit, subleuetur, vt presumat.] Haec tenus Gregorius. Sit itaque rationabile obsequium nostrum, id est, humanis viribus commensuratum: & quia simul ad multa capienda non valeamus; vnum post aliud, vita spirituali studendo, discamus. Quia & gratia etiam, quæ naturæ præsidio est, ita illam adiuuat, vt modum eius, ac se expoliandi rationem non excludat.

Nec solum vnum vitium post aliud, & vnam virtutem post aliam, debemus in examen adducere, sed etiam in vnoquoque virtuo ad vnum excessum eius, & in quaque virtute ad vnum actum eius, seorsum examen apponere. Vnum enim vitium & vna virtus, vasta res est, & in multis actiones externas, internasque diuisa, & non ita perfectè cura nostra particularis, aut tot mala, quæ sub vno virtu comprehenduntur, destrukt, aut tot bona, quæ sub vna virtute continentur, acquirit. Et certè iam cura particularis quasi in generalem transiet, si non ad vnum speciale, sed ad plures se actiones extendit. Quomodo autem res examini subiectæ, sint per partes dividenda, vt paulatim, si malæ sint, emendentur, si medie, moderentur, & si bonæ, acquirantur; ex supra dictis fatis potest esse perspectum. Ideo enim suprà, libro primo huius voluminis tam exquisitè & minutatim cuiusque virtutij excessus expressimus; & libro secundo senium, & passionem, & lingue, & aliarum virium animæ defectus exposuimus; & hoc libro tertio singulas virtutum actiones declarauimus, vt ex his partes cuiuscumque virtutij dissipandi, & cuiusque virtutis affluenda disseremus. Inde igitur materia examinis petenda est, & si quis velit, exempli gratia, superbiam vincere, quæ de gradibus, vel actionibus superbiorum dicta sunt, legat, & per aliquot dies, vel hebdomadas vnum actum, &

A postea similiter per totidem, aut plures, aut pauciores dies, prout opus fuerit, alium, & sic deinceps alios, quasi noxios malæ arboris ramos euellat. Si velit suos oculos cohibere, quæ de mortificatione viuis diximus, euoluat, & similiter faciat. Si velit humilitatem discere, actiones iam expostas humilitatem percurrat, & eundem ordinem teneat. Pictores quidem ex tabula, quam formare volunt, nunc vnam maculam, nunc aliam radunt; nunc vnam lineam, nunc aliam secundum artis præscriptum ducunt; nunc vnum colorem, nunc alium infundunt. Sic spiritualis vir, qui in proprio corde imaginem Christi depingit; nunc ab eo vnum vitium paulatim auferat, nunc vnam passionem secundum suas partes moderetur, nunc vnam virtutem acquirat. Chrysostomus profecto huius documenti assertor est. Sic enim quodam loco scribit: Aggrediamur virtutem cùm tempus habemus, distribuamus virtutes nobis, sicut sibi distribuunt agriculturam agricultore: in hoc mense vincamus detractiones, iniurias, iracundiam, iniustiam, & dicamus: Hodie ab hoc nos virtus corrigit, in illo autem mense patientiam nos ipsos doceamus, & in alio aliam virtutem: & cùm hanc virtutem in habitu percepimus, ad aliam transeamus, sicut solent discipuli, qui, quæ acquisierunt, custodiunt, quæ vero needum didicerunt, discendo acquirunt. Discamus etiam nos post istam virtutem, & veniamus ad contemptum pecuniarum. Ac primò abstrahamus manus à cupiditate ampliora habendi, & tuac faciamus eleemosynam. Non omnia passim confundathus, & eisdem manibus & rapiamus, & eisdem iterum misereamur. Post hanc etiam virtutem ad aliam transeamus, & ab illa ad aliam.] Hæc igitur est huius octauæ instrumenti natura, ad virtia extirpanda & virtutes inferendas, quo qui diligenter & perseveranter viuis fuerit, aspirante Dei gratia in vita spirituali magnos breui tempore progressus faciet, & ingentes thesauros virtutum comparabit. Nam vnam cùm sit, quasi omnia alia instrumenta mouer, & nullum otiosum prætermittit. Hoc est quasi stimulus, qui intellectum ad considerandum excitat, & voluntatem ad volendum inflamat, manuisque ad operationem dissoluit, vt omnia, quæ in nobis sunt, virtutis disciplinæ seruant, & eam in domum mentis introdulant. Hoc est velut paedagogus, qui animum, dum vivimus, pusillum docet, & regit, de bonis laudat, & de malis severè reprehendit. Quo paedagogus destituti non minus quam pueri indiscretè procedimus, & nihil, quod nos in virtute promoueat, addiscimus. Hoc denique velut nubes, quæ paulatim pluviat, terram penetrat, atque fecundat. Sic prorsus hæc particularis cura, aut particulae examen, quasi salutari pluviâ omnium virtutum gratuidum, non simul omnes virtutes emitit: sic enim animum nostrum non aliter quam eluione consumeret; sed guttatum bonum pluens, & doctrinam virtutis infundens, eum feracem multorum meritorum reddi, & vt adiutorium virtutis efficissimum ad magnam mentis puritatem perducit. Quam vnam aliquando tandem ad Deigloriam, & animæ nostræ salutem, & Ecclesiæ sanctæ profectum acquiramus. Amen.